

Sa Risoluzione Ebner sight in mesu de unu incontru caoticu de sa Cummissione Cultura

[Bruxelles / Brussel 9/07/03, by Davyth Hicks](#)

A dispettu de tentativos de emendamentos ostiles e de unu incontru caoticu de sa Cummissione Cultura, sa risoluzione de su deputadu europeu Michl Ebner potet protzedere intatta a un istadu Plenariu paris chin su programa pro sa diversidade linguistica e s'Azentzia chi lu ponet in pratica. Pero custu no est capitau chene sa perdita de sa clausola chi at appiu postu sa discriminatzione in supra de bases linguisticas o de minoridade nazionale in sos poderes de su Zentru Europeu de Monitorazzu de su Razzismu.

Eppuru, sos emendamentos avanzados an presentadu medas ispantos, mascamente su de Marieke Sanders-Ten Holte, presidente de su Intergrupp pro sas limbas tezonales e minoritarias, chi at avanzau sos emendamentos contra s'Azentzia e los at ritiraos ass'urtimu minutu.

S'incontru est istadu dominadu dae sa protzedura caotica de votazione guidata dae su presidente de sa Cummissione Rocard, unu ex primu ministru franzesu, chi no at ispiegadu a medas diputados pro ite finin votande. Si si considerat sas chistiones importantes chi s'affrontànan in pittu de s'isviluppu de sas limbas minoritaria e rezionales, medas de sos partizipantes an zudicau custa die comente negativa pro sa Cummissione Cultura.

In prus de sa protzedura pacu professionale, su fattu chi b'aian medas emendamentos orales suzzerit chi medas diputados non finin preparados e chi no aian una cumprensione adeguada de sas chistiones cumplessas chi tocan s'isviluppu de sas limbas prus pacu imperadas. Medas an imperadu su dibattitu comente una iscusca pro ottenere prus puntos pro sos partidos issoro o pro sos Istados Membros rispettivos.

Allegande chin Eurolang, Michl Ebner at riflettidu in supra de sa protzedura de oje: 'Fidit unu compromisu. Ispero chi custu compromisu siat azzettadu, gosi podimus aere una mazzoranza manna. Custu fidit su obiettivu miu. Non bastat aere una mazzoranza semprize' (riferendesi assa mazzoria assoluta chi si diat cherrere ottenere chin 314 membros de sos 626 totales).

'Soe cuntentu chi assa fine solu duos collegas si sont abstennios. Medas cullegas e su cumportamentu issoro m'an ispantadu'.

Si custu at suzessu in sa fase plenaria, tando sa Cummissione Europea diat ponnere galu unu annu pro cussiderarre tottu sas propostas e in s'intiri unu Parlamentu Europeu nou diat essere elettu. Su Sennor Ebner paret ottimista pro cantu contzernet sas prospettivas de un'Azentzia et at narau a Eurolang: 'Amus a aere Istados Membros novos e de solitu custos son prus aptose ca issos puru tenen minoridades de issos e tottu vivende in atteros istados, comente sos unghereses, pro esempiu. Amus a aere un'attera situatzione e su tempus nos at a favorire'.

Eurolang at puru allegadu chin sa diputada finlandesa (de sa minoridade isvedesa) Astrid Thors chi at naradu: 'Pesso che dae su puntu de vista de s'Intergrupp s'incontru est istadu meda deludente. Amus vistu una forte opposizione contra sa inclusione de clausolas pro sa diversidade linguistica e anti-discriminatzione. Pesso puru chi su trattamentu de diferentes limbas in s'UE no est istau fattu secundu sa visione de su Cussizzu de Europa; forzis b'at rajones prus politicas. Sa chistione est: fidit incoerente, o fidit su pacu tempus o sa mancanza de consultatzione – custu non disco.'

'M'interessat prus chi custu votu creet divisiones ass'internu de s'Intergrupp cussiderande sa bona collaboratzione chi amus tenidu inta a commo'.

Cummentande in supra de sa proposta de Azentzia, at azzuntu: 'Mi diat parrere meda utile chi... sas ispiegatziones dian poder essere inviadadas a EBLUL ispiegande sos pros e sos contras de aere un'azentzia ca be dian potere incumprensiones mustradas dae sa resistenza a custa proposta'. (EL)